

## Yeshua e Libertat di Dios!!!

Awor Felipe a **buska i haña** Natanaèl i a bis'é: "**Nos** a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José." (**Juan 1:45**).

**Yeshua; Jesus di Nazarèt: e Lei di Dios Tata!!!.**

Asina **boso** mester **Konsagrà** e di sinkuenta aña i **proklamá Libertat** den e tera pa **tur su habitantenan**. E mester ta **un Hubleo pa boso**, i kada un di **boso** mester bolbe na su mes **propiedat**, i kada un di **boso** mester bolbe serka **su famia**. (**Levítico 25:10**).

**Yeshua; Jesus di Nazarèt: di Kende e Profetanan di Dios Tata tambe a skirbi!!!.**

**E Palabra** di **SEÑOR** ku a yega na **Jeremias**, despues ku rei Sedekias a sera **un Aliansa** ku henter e **pueblo** ku tabata na **Jerusalèm**, pa **proklamá Libertat** pa nan: ku kada hende mester duna **su sirbidó hòmber** i kada hende **su sirbidó muhé su Libertat**, **un hòmber Hebreo** òf **un muhé Hebreo**, pa asina ningun hende no tene su **ruman Hudiu** komo **esklabo**. I tur e **ofisialnan** i henter e **pueblo** ku a bai di akuèrdo ku e **Aliansa**, pa kada hende duna **su sirbidónan** nan **Libertat**, sea **hòmber** òf **muhé**, pa ningun hende no tene nan mas komo **esklabo**, a **obedesé**; nan a **obedesé** i a duna nan nan **Libertat**. Ma despues nan a **kambia di idea** i a bolbe tuma e **sirbidónan hòmber** i e **sirbidónan muhé** ku nan a duna **Libertat**, i a hasi nan someté atrobe komo **sirbidónan hòmber** i **sirbidónan muhé**. (**Jeremias 34:8-11**). **EL** a manda **Redenshon** pa **Su pueblo**; **EL** a **ordená Su Aliansa** pa semper; **Su Nòmber ta Santu i Temibel**. (**Salmonan 111:9**). **Juda** a bira **Su Santuario**, **Israel**, **Su Dominio**. (**Salmonan 114:2**)

**Ta kon Felipe por bisa: "Nos** a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José."

**Felipe por bisa esaki pasobra:**

**Yeshua ta e Konsagrà.**

**Yeshua ta e Libertat.**

**Yeshua ta e Hubleo.**

**Yeshua ta e Palabra.**

**Yeshua ta e Hebreo.**

**Yeshua ta e Hudiu.**

**Yeshua ta e Aliansa.**

**Yeshua ta e Redenshon.**

**Yeshua ta e Nòmber.**

**Yeshua ta e Santu.**

**Yeshua ta e Temibel.**

**Yeshua ta e Santuario.**

**Yeshua ta e Dominio.**

**21 Yüli 2019**

**Sea Bendishoná ku e Amor di Dios Tata; Yeshua Mesias  
Un Fiel Sirbidó di Dios,  
Remsly L Riley**